



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetii, 1647

De Feria iv. Cinerum. 10.

urn:nbn:de:hbz:466:1-9521

Iasii, & Ord. Romano. Responsoria de eadem Genesi recitari iussit Alexand. II. ex Microl. loco citato, amotis alijs, quæ dicebantur cum *Allel.* cum non deceat (inquit Leo IX. de consecr. dist. I. *Hiduo*) cantare, *Alleluia.* quando recolimus primi hominis casum in Lectionibus.

6 In Sexagesima dicuntur Responsoria de Historia Noe, ex decreto Gregor. VII. teste Radulph. *propof.* 16. cum antea ex decreto Alex. II. repeterentur Responsoria Septuagesimæ. Collecta Sexagesimæ non impedit commemorationem communem de Sancto Paulo in officio. Vide in Tomo I. de Sexag. pag. 230. n. 15.

7 In Quinquagesima Responf. de Abraham dici iussit Gregor. VII. ex Radulpho loco citato.

8 Datae sunt Antiphonæ propriæ ad *Magnificat*, ferè omnibus Ferijs Septuagesimæ, Sexagesimæ, & Quinquagesimæ; de quibus antiqui nihil dicunt. Si Antiphonas species, eæ proprie sūt; quia hæ Feriæ non sunt ita communes, vt aliae per annum; neque ita propriæ, vel Ferie Aduentus, & Quadragesimæ, quarum Antiphone numquam omittuntur. si Ferias attendas, in Feria 6. nulla est Antiphona; quia saltem de S. Maria in Sabato fit in Vesp. à Capitulo. In Feria quinta Sexagesimæ, & item sexta in anno bissextili, dicuntur Antiphonæ, quæ in præcedentibus Ferijs fuerunt omisæ, si occurrat fieri de Sancto in iisdem; vel certè de Psalterio sumuntur; non autem de Ferijs Septuagesimæ, quarum Antiphonæ, si omittantur ob Festa Sanctorū, non resumuntur in sequenti Hebdomada: quod perperam scripsere aliqui in Calendarijs Ecclesiastrium particularium: neque Rubrica de his Antiphonis posita ante Feriam V. Sexages. se extendit ultra suam Hebdomadam. si verò numerum obserues Antiphonarum, mysterij aliquid fortasse inest, tūm quia nouem eæ sunt omnes: tūm quia inter eas certus quidam est gradus, nonnisi congruus (ex maiorum saltem auctoritate, qui eas decreuerunt) vt nimirum quatuor Antiphonæ in Vesperis sint assignatae Ferijs

Septuagesimæ, tres Ferijs Sexagesimæ, duæ Ferijs Quinquagesimæ.

De Feria quarta Cinerum. Cap. X.

1 E st priuilegiata hæc Feria, in qua occurrens quocumque Duplex transferitur, ex Decreto Clemen. VI. Anno 2352. vt ego legi in Martyrologio M. S. antiquo, in Bibliotheca Fortunati Scacchi, Sacri Palatij Sacrifice, de sacris litteris optimè meriti: & habetur in Breuiari. edito Ven. 1549. quia eo die conuenit, vt populus Christianus pœnitentiæ publicæ det indicia.

2 Omnia ergo fiunt, vt in Quadragesima, ait Microl. cap. 49. & ad omnes Horas, inquit, cap. 50. genuflectimus, hoc est, dicuntur Preces: nam, quia nos augere debemus pensum servitutis nostræ, præsertim in precibus, ex S. Gregor. relato à Radulph. *propof.* 16. hinc factum est ex eodem Radulph. quod dicantur his diebus feriales Preces cum officio Psalmorum, Gradualium, & Pœnitentialium.

3 Due Orationes dicuntur quotidie in feriali officio, quarum secunda est Vesparum propria; quia in Missa duæ item dicuntur super Populum, altera initio, altera in fine, cuius rei causam dedimus, cum de Missa sacrificio, tomo priore.

4 Nondum dicuntur Vesperæ ante co-mestationem, vt reseruetur prærogatiua Dominicæ sequenti, que est caput Quadragesimæ, cuius prime Vesperæ dicuntur in Choro ante cœnam; & deinceps idem fit in diebus ferialibus, ex Concil. Cabilon. *de consecr. dist. I. solent.*

5 Dixi, ante cœnam, quia antiquitus soluebatur iejunium hora cœnæ in Quadragesima post Vespertas: & licet horam anticipemus, retinemus tamen vocabulum cœnæ, cui benedicimus ea Prece, que adhibetur ad cœnam: *Edent pauperes, &c.* vt in fine dicitur Breuiarij, Quia verò non possumus iejunare diebus, & noctibus, sicut fecit Christus, ieunemus saltem usque ad horas diurnales inclusuè, hoc est, dictis Vesperis, vt ait Archid. in cap. solent, *de consecr. cit.*

6 Extra

6 Extra Chorum non tenemur ante comedionem recitare Vesperas . quia Concil. Cabilon. intelligitur de publica in Choro recitatione; cui tantum congruit est, ut conformetur in priuata quoque Vesperarum recitatione .

De Dominicis Quadragesimæ.
Cap. XI.

1 Inuitatorium Dom. primæ, *Non sit vobis vanum, &c.* composuit Amalar. ex Vuion Auctore Ligni vitæ lib. 5. & ille ipse meminit, de Ord. Antiph. cap. 35. vbi docet tamen se transtulisse hoc Inuitatorium in hanc Domin. à media Quadragesima , in qua ab alijs cantabatur. Primæ Lectiones interrumpunt quidem Lectiones de Genesi ; sed indicant fructus pœnitentiae, ex Durand. lib. 6. cap. 32. Responsoria, ex Amalar. de Ord. Antiphon. cap. cit. sunt claves tituli de conuersatione , & statu totius Quadragesimæ. Oportet enim hoc tempore corrige re mores, ieiunare, plorare, patientes esse, vigilare, penitere, eleemosynam dare, quæ omnia in Responsorijs continentur.

2 Frequentatur Psalmus nonagesimus, *Qui habitat, &c.* à quo plures versus hoc tempore desumuntur; quia, inquit Amalar. lib. 4. cap. 19. sumus in his diebus in maiori certamine tentationum; vel inde est, quia malè usurpauit hunc Psalmum Satanus tentando Christum; contra quæ repetimus eundem in proprio sensu : *Angelis suis mandauit, &c.*

3 Antiphonarum ad Laudes: *Cor mundum, &c.* meminit Amalar. de Ord. Antiph. cap. 36.

4 Cantabatur in diebus nostris Hymnus, *Ad preces nostras*, in secundis Vesperris , qui non erat antiquus, & ratione metri scatebat erroribus; tūm nullum erat Festū, quod quatuor gauderet Hymnis ad primas Vespertas, Nocturnos, Laudes , & secundas Vespertas, prater Dominicæ Quadragesimæ; & occupatis Ferijs secundis à Festo Duplici (quando Pascha occurrit die 22. Aprilis) eo Anno numquam recitabatur; quibus omnibus

D. Barth. Gauant. Tom. II.

consideratis in recognitione Breuiarij Clementina, de Breuiario fuit ademptus. De alijs tribus Hymnis diximus; Sect. 5. cap. 6. pag. 54.

5 In Feria secunda sequenti adiungit Capitula propria pro omnibus Horis feriilibus Quadragesimæ, de quibus mentio est apud Durand. lib. 6. cap. 28.

6 De Quatuor Temporibus nihil fit in officio. Et de his iam diximus Tome priore.

7 Dominica secunda cur habeat Euangelium Sabbati praecedentis, habes in Tome priori. Fortè legitur, quia initio Martij transfiguratus est Christus; si Beletho creditus, de diu. offic. cap. 144. Anno Christi ultimo: & in Dominica, hora quarta diei, vt scribit S. Epiph. cit. ab Azo. part. 2. lib. 1. cap. 15. quest. 4. Antiphonæ ad Laudes, *Domine labia mea, &c.* habentur apud Amalar. de Ord. Antiph. cap. 38.

8 Dominica tertia habet easdem Antiphonas ad Laudes, *Fac benigne, &c.* quas recenset idem Amalar. cap. 40.

9 In sequenti Fer. quinta est Oratio singularis de SS. Cosma, & Damiano; quia Statio fit in eorum Ecclesia, quam de dilacuit Romæ in Foro Boario Felix IV. ex Rupert. lib. 8. cap. 2. Sed in lib. Sacramentorum S. Gregorij non habetur hæc Collecta; & alias diximus à Gregorio II. data esse officia Ferijs quintis Quadragesimæ quis igitur Collectam composuerit, est incertum; cum in lib. cit. Sancti Gregorij I. habeatur Oratio alia cum Secreta, & Post communione, quarum auctor dicitur Gregorius II. ergo non est Gregorianæ, neque Primi, neque Secundi. Non tamen impedit commune Suffragium, de iisdem Sanctis in Ecclesia eorumdem, quæ de re in tomo 1. pag. 231.

10 Dominica quarta dicitur *Latare*, sicut in Aduentu Dominica tertia, *Gaudete*, quia Missæ harum Dominicarum habent Introitum, *Latare Ierusalem, &c.*, *Gaudete in Domino: &c.* cum laetiam indicent, Dalmaticis vntunt ministri in solemnni Missâ; vt alibi diximus.

G. De

